

АВГУСТА В 6-Й ДЕНЬ

**СВЯТОЕ ПРЕОБРАЖЕНИЕ ГОСПОДА БОГА И СПАСА НАШЕГО
ИИСУСА ХРИСТА**

НА МАЛЕЙ ВЕЧЕРНИ,

поем стихиры на 4, глас 1:

Подобен: Небесных чинов:

Иже с Моисеом Глаголавый / древле на горе Синайстей образы, / глаголя, Аз есмь Бог Сый: / днесь же на горе Фаворстей преобразьяся, / началообразное показа лучами облистаяся. / Темже, Христе, / величаю Твою силу. [Дважды]

Поим особь Твоя, Христе, / ученики, Петра, Иакова, и Иоанна, / волею на гору сих возвел еси, / чудо страшное показав и нестерпимое, / Божественнаго пришествия Твоего издалеча / присносущное благолепие.

Твоего, Христе, пришествия непостижимаго, / трепетни бывше апостоли древле, / ниц на землю падше: / Божественней Твоей дивляхуся силе: / солнца просияв светлее, Блаже, / неизреченною силою Твоею.

Слава, и ныне, глас 8.

Мрак законный, / светлый Преображения прият облак, / в немже Моисей и Илия бывше, / и Пресветлыя славы сподобльшися, / Богу глаголаху: / Ты еси Бог наш, царь веков.

На стиховне стихиры, глас 2.

Подобен: ДOME Евфрафов:

Днесь Христос на горе фаворстей / Адамово пременив / очерневшее естество, / просветив богосодела.

Стих: Твоя суть небеса, и Твоя есть земля.

Сиянием добродетелей, / просвещшися вопием, / на горе святей зряще Божественное / Господне Преображение.

Стих: Фавор и Ермон о Имени Твоем возрадуется.

Солнце убо землю уясняя, / абие заходит: / Христос же со славою облистав на горе, / мир просветил есть.

Слава, и ныне, глас 8, подобен тойже:

Видеша на Фаворе, / Моисей же и Илия, / от Девы Отроковицы / Бога воплощаема, / человеком на избавление.

Тропарь, глас 7:

Преобразился еси на горе Христе Боже, / показавый учеником Твоим славу Твою, якоже можаху: / да возсияет и нам грешным свет Твой присносущный, / молитвами Богородицы, Светодавче слава Тебе.

НА ВЕЛИЦЕЙ ВЕЧЕРНИ.

Стихология не бывает, токмо аще есть неделя, тогда поем кафисму всю; аще в понедельник, первый антифон.

На Господи, возвах, стихиры на 8, самогласны, глас 4, по дважды. Космы монаха.

Прежде Креста Твоего, Господи, / гора Небеси подобяшися, / и облак, яко сень, протязашися, / Тебе преобразующуся, / от Отца же свидетельствуему: / тамо бе Петр со Иаковом и Иоанном, / яко хотяху быти с Тобою и во время предания Твоего, / да видевше чудеса Твоя, / не устрашатся страданий Твоих, / имже поклонитися нам в мире сподоби, / великия ради Твоя милости.

Прежде Креста Твоего, Господи, / поим ученики на гору високу, / преобразился еси пред ними, / лучею силы озаряя их, / отсюда убо человеколюбием, / отнуду властью, показати хотя Воскресения светлость, / егоже и нас, Боже, в мире сподоби, / яко Милостив и Человеколюбец.

Гора, яже иногда мрачна и дымна, / ныне же честна и свята есть, / на нейже нозе Твои стоясте, Господи, / превечное бо сокровенное таинство / напоследок явлено сотвори, / страшное Твое Преображение, / Петру, и Иоанну, и Иакову. / Иже, такова сияния лица Твоего не терпяще, / и светлости риз Твоих, / ниц на лице земли покрывахуся, / иже и ужасом одержими, / дивляхуся, видяще Моисея и Илию, глаголюща с Тобою, / хотящая приключитися Тебе: / и глас от Отца свидетельствоваше, глаголя: / Сей есть Сын Мой возлюбленный, / о Немже благоизволих, Того послушайте, / Иже и дарует мiрови велию милость.

На горе висоце преображся Спасе, / верховныя имея ученики, преславно облистал есть, / показуя, яко высокою добродетелей облиставше / и Божественней славе сподобятся. / Глаголющии со Христом Моисей и Илия показоваху, / яко живыми и мертвыми обладает / и Иже древле законом и пророки глаголавый есть Бог, / Емуже и глас Отець из облака / светла послушествоваше, глаголющий: / Того послушайте, / Иже Крестом ада пленивша / и мертвым дарующа живот вечный.

Слава, и ныне, глас 6. Анатолия.

Прообразуя Воскресение Твое, Христе Боже, / тогда поят три Твоя ученики, Петра и Иакова и Иоанна, / на Фавор возшел еси. / Тебе же, Спасе, преобразующуся, / Фаворская гора светом покрывашеся, / ученицы Твои, Слове, / повергоша себе долу на земли, / не терпяще зрети невидимаго зрака, / Ангели служаху страхом и трепетом, / небеса убояшася, / земля вострепета, / видяще на земли славы Господа.

Вход. Прокимен дне. И чтения три.

Исхода чтение. [Глава 24.]

Рече Господь к Моисею: взыди ко Мне на гору, и стани тамо, и дам ти скрижали каменные, закон и заповеди, яже написах взаконити им. И востав Моисей и Иисус предстояй ему взыдоша на гору Божию. И старцем рече: безмолвствуйте тамо, дондеже возвратимся к вам. И се Аарон и Ор с вами: аще кому прилучится суд, да идут к ним. И взыде Моисей на гору, и покры облак гору. И сниде слава Божия на гору Синайскую, и покры ю облак шесть дней, и призва Господь Моисеа в день седмый, из среды облака. Видение же Славы Господни, яко огонь паля на версе горы, прямо сынов Израилевых. И вниде Моисей посреде облака, и взыде на гору, и бе тамо на горе четыредесять дней, и четыредесять ночей.

Исхода чтение: [Главы 33 и 34.]

Во днех онех, глагола Господь к Моисею лицом к лицу, яко аще бы кто возлаголал к своему другу, и отсылашеся в полк: слуга же Иисус сын Навин юноша не исхождаше из скинии. И рече Моисей ко Господу: се Ты мне глаголеши, изведи люди сия, Ты же не явил ми еси, егоже послещи со мною: Ты же мне рекл еси, вем тя паче всех, и благодать имаши у Мене. Аще убо обретох благодать пред Тобою, яви ми Самаго Тебе разумно, да вижу Тя: яко да обрет буду благодать пред Тобою, и да разумеют, яко людие Твои язык сей. И глагола ему Господь: Аз Сам предыду пред тобою, и упокою тя. И рече к нему Моисей: аще Сам Ты не шествуеши с нами, да не изведеши мя отсюда. И како ведомо будет воистинну, яко обретох благодать у Тебе, аз же и людие Твои, точию идущу Ти с нами? И прославлен буду аз же и людие Твои паче всех язык, елицы суть на земли. Рече же Господь к Моисею: сие слово твое, еже рекл еси, сотворю: обрел бо еси благодать предо Мною, и вем тя паче всех. И глагола Моисей: покажи ми славу Твою. И рече: Аз предыду пред тобою славою Моею, и воззову о Имени Моем, Господь пред тобою. И помилую, егоже аще милую: и ущедрю, егоже аще щедрю. И рече: не возможеши видети лице Мое, не бо узрит человек лице мое, и жив будет. И рече Господь: се место у Мене, и станеша на камени. Дондеже убо преидет слава Моя, и положу тя в раселине камене, и покрью рукою Моею над тобою, дондеже мимоиду. И отиму руку Мою, и тогда узриши задняя Моя, лице же Мое не явит ти ся. И утреневав Моисей, заутра взыде на гору Синайскую, якоже глагола ему Господь. И сниде Господь во облаце, и предста ему тамо Моисей, и призва Именем Господним. И мимоиде Господь пред лицом его, и призва: Господь Бог Щедр, и Милостив, Долготерпелив, и Многомилостив, и Истинен: и потщався Моисей приник на землю, поклонися Господеву.

Царств третьих чтение. [Глава 19.]

Во днех онех, прииде Илиа в Вирсавию, яже есть земля Иудова, и остави отрочища своего тамо. И сам поиде в пустыню путь дне, и прииде, и седе под

смерчем и успе, и сон виде тамо под садом. И се некий прикоснуса ему, и рече ему: востани, яждь и пей. И возре Илия, и се при возглавии его опреснок ячменный, и корчаг воды, и воста, и яде и пит, и обращся успе. И обращся ангел Господень вторицею, и коснуса его, и рече ему: востани, яждь и пей, яко мног от тебе путь. И воста и яде и пит: и иде к крепости яди тоя четьредесять дней и четьредесять ношей, до горы Хоривския. И вниде тамо в пещеру, и вселися в ней. И се глагол Господень к нему и рече ему Господь: изыди и стани на горе пред Господем. И се Господь мимоидет, и дух велий и крепок, разоряя горы, и сокрушая камение пред Господем: не в душе Господь. И по душе трус: и не в трусе Господь. И по трусе огонь: и не во огни Господь. И по огни глас хлада тонка, и тамо Господь. И бысть яко услыша Илия, покры лице свое милотию своею, и изыде, и ста близ пещеры. И рече Господь к нему: иди и возвратися в путь твой. И пойдеши в путь пустыни Дамасковы, и помажеши Елиссеа сына Асафатова вместо тебе пророка.

На литии стихиры самогласны, глас 2:

Иже светом Твоим всю вселенную освятив, / на горе висоце преобразился еси Блаже, / показав учеником Твоим силу Твою, / яко мир избавляеши от преступления. / Темже вопием Ти: / Милосерде Господи, спаси души наша.

Иже на горе Фаворстей преобразься во славе Христе Боже, / и показав учеником Твоим славу Твоего Божества, / озари и нас светом Твоего разумения, / и настави на стезю заповедей Твоих, / яко Един Благ и Человеколюбец.

Иже прежде солнца Свет Христос, / телесне на земли жительствуя, / и прежде Креста вся яже страшнаго смотра, / совершив боголепно, днесь на Фаворстей горе, / тайно Троицы образ показуя: / изящныя бо три ученики, Петра и Иакова и Иоанна, / на ню возвел еси наедине, / и мало скрыв плоти восприятие, / преобразился еси пред ними, являя началообразныя доброты благолепие, / и то не всесовершенно: / ово извествуя тыя, вкупе и щадя, / да не како со зраком и еже жити погубят, / но яко можаху вмещати, / телесныма очима стерпяще. / и пророков верховныя Моисея и Илию привел еси, / непрекословне свидетельствующия его Божество: / и яко Той есть истинное Отческаго Существа Сияние, / господствуй живыми и мертвыми. / Тем и облак якоже сень объят их, / и глас свыше Отечь из облака шумно предсвидетельствующь и глаголющ: / Сей есть, Егоже нетленно прежде денницы из чрева родих, / Сын Возлюбленный Мой: / Егоже послах спасти во Отца и Сына и Духа Святаго крещаемыя, / и исповедающия верно, / яко нераздельна есть едина Держава Божества, / Того послушайте. / Сам убо Человеколюбче Христе Боже, / и нас озари светом неприступныя Твоя славы, / и достойны покажи наследники Царствия Твоего, / яко Преблаг.

Слава, глас 5:

Приидите взыдем на гору Господню, / и в дом Бога нашего / и узрим славу Преображения Его, / славу яко Единороднаго от Отца: / светом приимем Свет, / и возвышени бывше Духом, / Троицу Единосущную воспоим во веки.

И ныне, глас тойже:

Закона и пророков Тя Христе, / Творца и Исполнителя свидетельствоваша, / зряще во облаце, / Моисей боговидец, и Илия огнеколесничник, / и неопальный небошественник, / в Преображении Твоем: / с нимиже и нас Твоего просвещения сподоби Владыко, / пети Тя во веки.

На стиховне стихиры самогласны, глас 1.

Иже древле с Моисеом глаголавый / на горе Синайстей образы, / Аз есмь, глаголя, Сый, / днесь на горе Фаворстей преобразся пред ученики, / показа началообразую доброту зрака, / в Себе восприим человеческое существо, / и таковыя благодати свидетели поставль, Моисея и Илию, / общники творяше веселия, / провозвещающия славное Креста / ради и спасительное Воскресение.

Стих: Твоя суть небеса и Твоя есть земля.

Твоего Единороднаго Сына / провидев Духом, / плотское к человеком пришествие, / богоотец Давид издалеча к веселию созывает тварь и пророчески взывает: / Фавор и Ермон о Имени Твоем возрадуются. / На сию бо взошел гору, / Спасе, со ученики Твоими, / очерневшее Адамово естество, преобразься, / облистати паки сотворил еси, / претворив е в Твоего Божества славу же и светлость, / Темже вопием Ти: / Содетелю всяческих, Господи, слава Тебе.

Стих: Фавор и Ермон о Имени Твоем возрадуется.

Неодержимое Твоего светолития, / и непрístupное Божества, / зряще Апостолов лучшие, / на горе Преображения, / Безначальне Христе, / Божественным изменишася ужасом и облаком осиявшеся светлым, / глас слышаху Отеч, / известующ таинство Твоего вочеловечения, / яко Един еси и по воплощении, / Сын Единородный и Спас міра.

Слава, и ныне, глас 6.

Петру и Иакову и Иоанну, / лучшим учеником Твоим, Господи, / днесь показал еси на горе Фаворстей / славу Божественнаго Твоего зрака: / видяху бо ризы Твоя, / облиставшия яко свет, / и лице Твое паче солнца, / не терпяще зрети нестерпимое Твоего сияния, / на землю ниспадаху, / никакоже зрети могуще. / Глас же слышаху, / свидетельствующ свыше: / Сей есть Сын Мой возлюбленный, / пришедый в мир спасти человека.

На благословении хлебов, тропарь, глас 7:

Преобразился еси на горе, Христе Боже, / показавый учеником Твоим славу Твою, якоже можаху, / да возсияет и нам, грешным, свет Твой присносущный / молитвами Богородицы, Светодавче, слава Тебе.

НА УТРЕНИ,

на Бог Господь, тропарь праздника, трижды.

По 1-м стихословии седален, глас 4:

Подобен: Удивися Иосиф:

Человеческое изменение, / еже со славою Твоею, Спасе, / второе и страшное Твоего Пришествия показуяй, / на горе Фаворстей преобразился еси, / Илия и Моисей глаголаху с Тобою, / и триех от ученик спривав: / иже видевше, Владыко, / славу Твою, блистанию Твоему удивишася. / Иже тогда сим свет Твой Возсиявый, / просвети души наша.

Слава, и ныне, тойже:

По 2-м стихословии, седален, глас 8 подобен тойже:

На горе Фаворстей преобразился еси, / Иисусе, / и облак светел протязающийся яко сень, / апостолы славою покры: / темже и на землю ниц падаху, / не терпяще зрети светлости неприступныя Славы лица Твоего, / Безначальне Спасе Христе Боже. / Иже тогда сим свет Твой Возсиявый, / просвети души наша.

Слава, и ныне, тойже.

По полиелеи седален, глас тойже.

Подобен: Вознесыйся:

Возшед со ученики на гору, / и во славе Отчи облистав, / с Моисеом Илия Тебе предстоят, / закон и пророцы бо яко Богу служат. / Емуже и сыновство естественное / Родитель исповедая, нарицаше Сына: / Егоже воспеваем с Тобою и Духом.

Слава, и ныне, глас 8.

Подобен: Повеленное:

Сокровенную молнию / под плотию существа Твоего, Христе, / и Божественнаго благолепия, / на святей показал еси горе Благодетелю, / просияв сущим с Тобою учеником. / и разумевше нестерпиму сущу славу Твою, / Свят еси, возопиша: / яко неприступен Сый, / виден был еси плотию мірови, / Едине Человеколюбче.

Степенна, глас 4. Антифон 1-й, ихже стихи повторяюще поем:

От юности моя / мнози борют мя страсти, / но Сам мя заступи, / и спаси Спасе мой.

Ненавидящии Сиона, / посрамитесь от Господа, / яко трава бо огнем / будете изсохше.

Слава: / Святым Духом / всяка душа живится, / и чистотою возвышается, / светлеется Троическим Единством священнотайне.

И ныне, тойже.

Прокимен, глас 4:

Фавор и Ермон о Имени Твоем возрадуется.

Стих: Твоя суть небеса, и Твоя есть земля.

Евангелие Луки, зачало 45.

Во время оно, поем **И**исус **П**етра, и **И**оанна, и **И**акова, взыде на горѣ помолитиса. **И** вѣсть егда молашеса, видѣнїе лица егѡ ѡно, и ѡдѣанїе егѡ вѣло блистаа. **И** се, мѡжа двѣ съ нимъ глаголюща, ѡже вѣста мѡѡсѣй и ѡлїа, ѡвляшася во славу, глаголаста же исхѡдъ егѡ, егѡже хотѣше скончати во іерѡлимѣ. **П**ѣтръ же и сѡщїи съ нимъ вѣхѡ ѡтвѣчени снѡмъ: ѡубѣждшеся же видѣша славу егѡ, и ѡба мѡжа стоѡща съ нимъ. **И** вѣсть егда разлучистася ѡ негѡ, рече пѣтръ ко іисусу: наставниче, добрѡ есть намъ здѣ быти: и сотворимъ сѣни три, едїнѡ тебѣ, и едїнѡ мѡѡсѣеви, и едїнѡ ѡлїи: не вѣдый, еже глаголаше. Се же емѡ глаголющѡ, вѣсть ѡблакъ, и ѡсѣни ихъ: ѡволашася же, вшѣдше во ѡблакъ. **И** гласъ вѣсть изъ ѡблака, гласъ: сїй есть снѡ мѡй возлюбленный, тогѡ послѣшайте. **И** егда вѣсть гласъ, ѡврътеся іисус едїнѡ. **И** тїи ѡмолчаша, и ни комѡже возвѣстїша въ тѡмъ дни ничесѡже ѡ тѣхъ, ѡже видѣша.

По 50-м псалме: Слава:

Всяческая днесь радости / исполнишася, / Христос преобразися / пред ученики.

И ныне,

Всяческая днесь радости / исполнишася, / Христос преобразися / пред ученики.

Стихира самогласна, глас 5:

Божества Твоего Спасе, / малу зарю обнажив, / совозшедшим с Тобою на гору, / премїрныя Твоя славы сотворил еси рачители. / Темже ужасно зовяху: / добро есть нам зде быти. / с нимиже и мы Тебе Преображшагося Спаса Христа / поем во веки.

Канона два, кир Космы, глас 4: и кир Иоанна, глас 8. Ирмосы обою канонов по дважды: тропари вси поем на 12.

Канон, глас 4.

Песнь 1.

Ирмос: Лицы Израильтестии, невлажными стопами / понт Чермный и влажную глубину програвше, / всадники тристаты видяще в ней погружены, / с веселием пояху: / поим Богу нашему, яко прославися.

Глаголы животныя другом Христос и о Божественном наказуя Царствию, рече: во Мне Отца познайте, Светом яко облистая неприступным, в радости поюще: поим Богу нашему, яко прославися.

Силою язык облечетеся, друзи ученицы, чудни же будете в богатстве их, яко славы наполнитеся, яко явлюся светлее солнца, облистая в радости поющих: поим Богу нашему, яко прославися.

Днесь Христос, на горе Фаворстей просияв ясно Божественною зарею, якоже обещася, учеником обнажи зрак, светоносныя же наполнившися Божественныя зари, в радости пояху: поим Богу нашему, яко прославися.

Другий канон, глас 8.

Песнь 1.

Ирмос: Воду прошел, яко сушу, / и египетскаго зла избежав, / израильтянин вопияше, / Избавителю и Богу нашему поим.

Моисей, на мори пророчески видево облаком и столпом древле огненным славу Господню, вопияше: Избавителю и Богу нашему поим.

Яко каменем, телом покрывся, обожением невидимаго зря, Моисей Боговидец взываше: Избавителю и Богу нашему поим.

Ты на горе законней и на Фаворстей виден был еси Моисеем во мраце древле, во свете же ныне неприступнем Божества.

Катавасия: Крест начертав Моисей, впрямю жезлом Чермное пресече, / Израилю пешеходящу, / тоже обратно фараоновым колесницам ударив совокупи, / вопреки написа непобедимое оружие. / Тем Христу поим Богу нашему, / яко прославися.

Песнь 3.

Ирмос: Лук сильных изнеможе, / и немощствующие препоясашася силою, / сего ради утвердися в Господе / сердце мое.

Во всего Адама облекся, Христе, очерневшее изменив, просветил еси древле естество и изменением зрака Твоего богосоделал еси.

Столпом огнезрачным и облаком древле Иже в пустыни Израиля ведый, днесь на горе Фаворстей неизреченно во свете Христос просия.

Ин.

Ирмос: Небеснаго круга Верхотворче, Господи, / и Церкви Зиждителю, / Ты мене утверди в любви Твоей, / Желаний Краю, верных утверждение, / Едине Человеколюбче.

Осеняющая слава в сени первее и Моисееви беседующи, Твоему угоднику, образ бысть облиставшаго неизреченно на Фаворе, Владыко, Твоего Преображения.

Совзыдоша Ти, Слове Единородный, вышнии апостольстии верси на гору Фаворскую, и сопресташа Ти Моисей же и Илия, яко Божия слуги, Едине Человеколюбче.

Бог Слово сый, весь землен бысть, всему Божеству смесив человечество во Ипостаси Своей, юже во двою существу Моисей и Илия же видеша на горе Фаворе.

Катавасия: Жезл во образ тайны приемлется, / прозябением бо предразсуждает священника, / неплодящей же прежде Церкви, / ныне процвете древо Креста, / в державу и утверждение.

Седален, глас 4.

Подобен: Удивися Иосиф:

На горе Фаворстей преобразился еси, Иисусе, посреде Илии и Моисея премудрых, со Иаковом и Петром и Иоанном. Петр же, сопребывая, сия Тебе глаголаше: добро zde есть сотворити три сени: едину Моисею, и едину Илии, и едину Тебе, Владыце Христу. Иже тогда Свет Твой сим возсиявый, просвети души наша.

Слава, и ныне, тойже.

Песнь 4.

Ирмос: Услышах славное смотрение Твое, Христе Боже, / яко родился еси от Девы, / да от лести избавиши зовущия: / слава силе Твоей Господи.

Закон в Синаи писанием воображая, Христе Боже, во облаце, и огни и мраце, и в вихре явился еси носим: слава силе Твоей, Господи.

Да увериши славное строение Твое, Христе Боже, яко Сый прежде век и Тойже на облаце восхождение положивый, на Фаворе неизреченно просиял еси.

Соглаголюще, предстояху раболепно Тебе, Владыце Христу, к нимже парюю огня и мрака и тонким хладом беседовал еси: слава силе Твоей, Господи.

Возвещаху славное Креста ради Твоего, на Фавр пришедше, иже во огни Тя и купине древле превидевый Моисей и взятый на колеснице огненной Илия, Христе.

Ин.

Ирмос: Из плоти Твоя лучи Божества / исходяху пророком и апостолом. / Тем начальницы, поюще, взываху: / слава силе Твоей, Господи.

Иже купину сохранивый неврежденну, прикоснувшуюся огню, Моисею богосиянную плоть показал еси, Владыко, поющему: слава силе Твоей, Господи.

Скрыся зарею Божества чувственное солнце, яко на горе Фаворе видев Тя преобразующася, Ииусе мой: слава силе Твоей, Господи.

Огнь, не опаляя вещи телесныя, виден бысть невещественен, якоже Моисею и апостолом явился еси, Илии же, Владыко, един от двою, во дву совершенну естеству.

Катавасия: Услышах Господи, / смотрения Твоего таинство, / разумех дела Твоя, / и прославих Твое Божество.

Песнь 5.

Ирмос: От света пресекий первородный свет, / яко во свете дела поют Тя, Христе, / Содетеля, во свете Твоем / пути наша направи.

Пред лицом Твоим горы уклонишася, свет бо и пред ногами неботечныя лучи, Христе, солнца прииде, зрак земли яко прияти благоволил еси.

Се Спас, вопияху Моисей и Илия учеником, на горе святей Фаворстей оглашаемым, Христос, егоже древле провозвестихом Сушаго Бога.

Неизменное естество, человеческому примешся, обильно Невещественнаго Божества Свет, изобнажив апостолом, неизреченно возсия.

Тя, Присносущное Сияние, во Отечестей славе ученицы яко видевшие возсиявша, Христе, Тебе вопияху: во свете Твоем пути наша направи.

Ин.

Ирмос: **Вскую мя отринул еси / от лица Твоего, Свете незаходимый, / и покрыла мя есть чуждая тьма окаяннаго? / Но обрати мя и к свету заповедей Твоих / пути моя направи, молюся.**

Ветийствующий язык Твоего величества не может вещати: яко бо, Держай живот и смертию Владый, представил еси на Фаворстей горе Моисея и Илию, свидетельствующия Твое Божество.

Иже руками невидимыми создав по образу Твоему, Христе, человека, началообразную Твою в создании доброту показал еси, не яко во образе, но яко Сам Сый по существу, Бог был еси и Человек.

Срастворився неслиянно, уголь горящ показал еси нам Божества, попяляющ убо грехи, души же просвещающ, на Фаворстей горе, Моисея со Илию, учеников же старейшия удивил еси.

Катавасия: О Треблаженное древо, / на немже распяся Христос, Царь и Господь. / Имже паде дровом прельстивый, / тобою прельстився, / Богу пригвоздившуся плотию, / подающему мир душам нашим.

Песнь 6.

Ирмос: **Внегда скорбети ми, / возопих ко Господу, / и услыша мя Бог спасения моего.**

Сияния паче солнца Свет яснейший, Спас, просияв на Фаворе, нас просветил есть.

Возшед на гору Фаворскую, преобразился еси, Христе, и леть всю омрачив, нас просветил еси.

Тя Бога познавше славнии апостоли, на Фаворе же, Христе, удивльшеся, колена преклониша.

Ин.

Ирмос: **Очисти мя, Спасе, / многа бо беззакония моя / и из глубины зол возведи, молюся, / к Тебе бо возопих, и услыши мя, / Боже спасения моего.**

Яко велие и страшное узресе видение днесь: с небесе убо чувственное, от земли же несравненное, облиста Солнце правды мысленное на горе Фаворстей.

Прейде убо сень законная, изнемогшая, прииде же яве Христос Истина, Моисей возопи, на Фаворе видево Твое Божество.

Столп огненный, Христа преобразующася, облак же — яве благодать Духа, осенившую на Фаворе, предсказаша явленнейше.

Катавасия: Воднаго зверя во утробе, / длани Иона крестовидно распростер, спасительную страсть проображаше яве. / Тем тридневен изшед, премірное воскресение прописаше, / плотию пригвожденнаго Христа Бога, / и тридневным воскресением мїр просвещшаго.

Кондак, глас 7. Самогласен.

На горе преобразился еси, / и якоже вмещаху ученицы Твои, славу Твою, Христе Боже, видеша, / да егда Тя узрят распинаема, / страдание убо уразумеют вольное, / мірови же проповедят, / яко ты еси воистинну Отчее сияние.

Икос: Встаните, ленивии, иже всегда низу поникшии в землю души моя помысли, возмיתесь и возвыситесь на высоту Божественнаго восхождения. Притецем к Петру и к Зеведеевым и вкупе со оными Фаворскую гору достигнем, да видим с ними славу Бога нашего, глас же услышим, егоже свыше слышаша и проповедаша Отчее сияние.

Песнь 7.

Ирмос: Авраамстии иногда в Вавилоне / отроцы пещный пламень попраша, / песнями взывающе: / отец наших Боже, благословен еси.

Облиставшесе Светом неприступныя славы на Фаворстей горе, апостоли Христу вопияху: отец наших Боже, благословен еси.

Сиянием Божественнаго шума, и росодательным облаком, Христе, и зарею Твоею наслаждаеми, апостоли пояху: отец наших Боже, благословен еси.

В неприступнем свете, яко виде Тя Петр, на Фаворстей горе облиставша, Христе, возопи: отец наших Боже, благословен еси.

С Начальником жизни Христом суще, дети Зеведеевы, яко испусти зрака свет, возгремеша, отец наших Боже, благословен еси.

Ин.

Ирмос: Отроцы еврейстии в пещи попраша / пламень дерзновенно / и на росу огонь преложиша, вопиюще: / благословен еси, Господи Боже, / во веки.

Ныне видена быша апостолом невидимая Божества во плоти, на горе Фаворстей облиставша вопиющим: благословен еси, Господи Боже, во веки.

Ужасошася страхом, удивльшесе благолепию Божественнаго Царства, на горе Фаворстей апостоли, вопиюще: благословен еси, Господи Боже, во веки.

Ныне неуслышанная услышана быша: без отца бо Сын от Девы Отческим гласом славно свидетельствуется, яко Бог и Человек Тойже во веки.

Положением не был еси Вышняго, существом же Сын возлюблен, прежде Сый, нам приблизился еси непреложно: благословен еси, Господи Боже, во веки.

Катавасия: Безумное веление мучителя / злочестиваго люди поколеба, / дышущее презрение и злохуление богомерзкое: / обаче три отроки не устраши ярость зверская, / ни огонь снедаяй, но противодышущу росоносному Духу, / со огнем суще пояху: / препетый отцев и нас Боже, благословен еси.

Песнь 8.

Ирмос: В Вавилоне отроцы, / Божественною распалаеми ревностию, / мучителя и пламене прещение мужески попраша / и посреде огня ввержени, орошаеми пояху: / благословите, вся дела Господня, Господа.

Мановением вся носяй, ногами пречистыми на гору взыде Фаворскую Христос, на ней же паче солнечных лучи облиста лицом, иже закону старейшия и благодати показа поющия: благословите вся дела Господня, Господа.

Неприступною славою на горе явлься неизреченно Фаворстей, неодолимый и незаходимый Свет, Отчее сияние, тварь уяснив, человеки обожи, поющия: благословите, вся дела Господня, Господа.

Священнолепно стояше Моисей же и Илия на горе Фаворе, Божественныя начертание ясно Ипостаси видевшие, Христа, во Отечестей облиставша славе, воспеваху: благословите, вся дела Господня, Господа.

Иже во зраце Божественнаго ради явления лице прославися иногда Моисеово, Христос же, яко ризою, Светом и славою одевается, Света бо самодетелен Сый, озаряет поющия: благословите, вся дела Господня, Господа.

От светородна облака Христа ученицы объята сряще на Фаворе и ницы на землю падше, ум просвещше, со Отцем Сего пояху и Духом: благословите, вся дела Господня, Господа.

Ин:

Ирмос: Седмерицею пещь / халдейский мучитель / Богочестивым неистовно разжже, / силою же лучшею / спасены сия видев, Творцу и Избавителю вопияше: / отроцы, благословите, / священницы, воспойте, / людие, превозносите во вся веки.

Услышавше, Владыко, от Отца свидетельствуема ияко человеческа твердейша зрака зрети лица Твоего блистания не терпяще, Твои ученицы на землю ниц падаху, со страхом поюще: священницы, благословите, людие, превозносите во вся веки.

Царствующим еси Царь, прекрасен и иже всюду владыщим Господь силен, Блажен и во свете Живый неприступнем, Емуже ученицы удивльшеся, Моисей же и Илия вопияху: отроцы, благословите, священницы, воспойте, людие, превозносите во вся веки.

Яко Небом владущему, и землю господствующему, и над преисподними область имущему, Христе, предсташа Ти: от земли убо — апостоли, яко с Небесе же — Фесвитянин Илия, Моисей же — от мертвых, поюще согласно: людие, превозносите во вся веки.

Уныние раждающия печали на земли оставиша апостолов избрании, Человеколюбче, яко Тебе последоваша, ко иже от земли преложению Божественнаго жития. Темже и по достоянию Твоего Богоявления улучивше, пояху: людие, превозносите Его во веки.

Катавасия: **Б**лагословите отроцы, / Троицы равночисленнии, / Содетеля Отца Бога, пойте снизшедшее Слово, / и огонь в росу претворшее, / и превозносите всем жизнь Подавающаго, / Духа Всесвятаго, во веки.

Песнь 9.

Ирмос: **Р**ождество Твое нетленно явися: / Бог из боку Твоею пройде, / яко Плотносец явися на земли / и с человеки поживе. / Тя, Богородице, тем вси величаем.

Ужасни новым светолитием внезапно ученицы освещшеся, друг друга зряху, удивльшеся же и земли преклоньшеся, Тебе, Владыце всех, поклонишася.

Шум из облака посылашеся богогласен, извествуя чудо: Отец бо Светов — Сей есть Сын Мой возлюбленный, — апостолом вопияше: Того послушайте.

Новая видевши и преславная, глас Отеческий внушивше, на Фаворе Словесе слуги, изображение Первообразнаго, Сей есть, — вопияху, — Спас наш.

Образе непременный Сущаго, непостижиме, печать неизменна, Сыне, Слове, мудросте и мышце, деснице Вышняго, Сило, Тя воспеваем со Отцем же и Духом.

Ин.

Ирмос: **У**страшися всяк слух неизреченная / Божия снизхождения, / яко Вышний волею сниде даже и до плоти, / от Девическаго чрева быв Человек. / Темже Пречистую Богородицу, / вернии, величаем.

Да Твое покажеши яве неизреченное второе снитие, яко да Вышний Бог явишися, ста посреде богов, апостол на Фаворе, Моисея и Илию неизреченно осиял еси. Темже вси Тя, Христе, величаем.

Приидите, Мне покоритесь, людие, восшедше на гору святую Пренебесную, невещественно станем во граде Живаго Бога и узрим мысленно Божество невещественное, Отца и Духа, в Сыне Единородном облистающее.

Привлекл еси любовию мя, Спасе, и пременял еси огнем Божественным Твоим желанием, но попали огнем невестственным грехи моя и насытитися Твоя пища сподоби, да обою играя, величаю, Блаже, величия Твоя.

Катавасия: Таин еси, Богородице, рай, / невозделанно возрадивший Христа, / имже Крестное живоносное на земли насадиши древо. / Тем ныне возносиму, поклоняющемся ему, / Тя величаем.

Светилен:

Свете неизменный Слово, Света Отца Нерожденна, в явленном свете Твоём, днесь на Фаворе свет видехом Отца, свет и Духа, светом Наставляющаго всю тварь. [Трижды.]

На хвалитех, Всякое дыхание: поставим стихи 4, глас 4:

Подобен: Званный свыше:

Прежде честнаго Креста Твоего и страдания, / поим ихже проразсудил еси, / от священных ученик, на Фаворскую Владыко возшел еси гору, / показати восхотев сим славу Твою, / иже и видевше Тя преобразившася, / и паче солнца просиявша, / ницы падше, силе Твоей удивишася, взывающе: / Ты Безлетен Свет еси Христе, / и Сияние Отчее, / аще и волю плоть явился еси, неизменно. [Дважды]

Иже прежде век Сый Бог Слово, / Иже светом яко ризою одевайся, / преобразующийся пред ученики Твоими, / паче солнца Слово просиял еси: / Моисей же и Илия Тебе предсташа, / мертвым и живым Тя Господа поведаяюще, / и Твое славяще неизреченное смотрение и милость, / и многое милосердие, / имже Спасл еси мир, / грехом погибающий.

От Девическаго облака Тя рожденна, / и плоть бывша, на горе Фаворстей преобразующася Господи, / и облаком светлым Тя окружаема, / глас Родителей, Возлюбленнаго Тя Сына, / учеником предстоящим Тебе яже сказоваше, / яко Единосущна и Единопрестольна. / Темже Петр удивляяся, / добро есть зде быти глаголаше, Благодетелю Многомилостиве.

Слава, и ныне, глас 8:

[Византиево:] Поят Христос Петра, Иакова и Иоанна, / на гору високу едины, / и преобразися пред ними: / и просветися лице Его яко солнце, / ризы же Его быша белы яко свет: / и явишася Моисей и Илия с Ним глаголюще, / и облак светел осени их. / И се глас из облака глаголюще: / Сей есть Сын Мой Возлюбленный, о Немже благоволих, / Того послушайте.

Славословие великое, и отпуст.

НА ЛИТУРГИИ:

Антифон 1-й глас 2:

Стих 1, псалом 65: Воскликните Господеви вся земля, / пойте же Имени Его, дадите славу хвале Его.

Молитвами Богородицы, Спасе, спаси нас.

Паки другой лик, тойже стих: Стих 1, псалом 65: Воскликните Господеви вся земля, / пойте же Имени Его, дадите славу хвале Его.

Молитвами Богородицы, Спасе, спаси нас.

И паки 1-й лик, стих 2-й, псалом 76: Глас грома Твоего в колеси, / осветиша молния Твоя вселенную, подвижеся и трепетна бысть земля.

Молитвами Богородицы, Спасе, спаси нас.

Таже 2-й лик, стих 3, псалом 103: Во исповедание и в велелепоту облеклся еси, / одеяйся светом яко ризою.

Молитвами Богородицы, Спасе, спаси нас.

Слава, и ныне:

Молитвами Богородицы, Спасе, спаси нас.

Антифон 2-й:

Стих 1, псалом 47: Горы Сионския, ребра северова, / град Царя Великаго.

Спаси ны, Сыне Божий, Преобразивыйся на горе, поюция Ти: аллилуиа.

Другий лик, тойже стих.

Стих 2-й, псалом 77: И введе я в гору святыни своя, гору сию, / юже стяжа десница Его.

Спаси ны, Сыне Божий, Преобразивыйся на горе, поюция Ти: аллилуиа.

Стих 3: Гору Сионю, юже возлюби, / и созда яко единорога святилище Свое.

Спаси ны, Сыне Божий, Преобразивыйся на горе, поюция Ти: аллилуиа.

Слава, и ныне: Единородный Сыне и Слове Божий:

Антифон 3-й, глас 7:

Стих 1-й, псалом 124: Надеющиеся на Господа, яко гора Сион, не подвижятся во век.

Тропарь, глас 7: Преобразился еси на горе, Христе Боже, / показавый учеником Твоим славу Твою, якоже можаху: / да возсияет и нам грешным свет Твой присносущный, / молитвами Богородицы. Светодавче, слава Тебе.

Стих 2: Горы окрест Его, и Господь окрест людей Своих, от ныне и до века.

Тропарь: Преобразился еси:

Стих 3, псалом 14: Господи, кто обитает в жилищи Твоем? Или кто вселится во святую гору Твою?

Тропарь: Преобразился еси:

Стих 4, псалом 23: Кто взыдет на гору Господню? Или кто станет на месте святем Его?

Тропарь: Преобразился еси:

Входное: Господи, послы свет Твой, и истину Твою, та мя настависта, и введоста мя в гору святую Твою.

Тропарь: Преобразился еси:

Слава, и ныне.

Кондак, глас тойже:

На горе преобразился еси, и, якоже вмещаху, / ученицы Твои славу Твою, Христе Боже, видеша: / да егда Тя узрят распинаема, / страдание убо уразумеют вольное, / мірови же проповедят, / яко Ты еси воистинну Отчее Сияние.

Трисвятое.

Прокимен, глас 4: Яко возвеличишася дела Твоя, Господи, вся премудростию сотворил еси.

Стих: Благослови душе моя Господа, Господи Боже мой, возвеличился еси зело.

Апостол, Петрова послания, зачало 65.

Брѣтїе, потщїтесѧ извѣстнѧ вѣше звѣнїе и избрѣнїе творїти: сїѧ во творѣще, не ѣмѣте согрѣшїти никогдѣже, сїце во ѡбїишъ приподѣстсѧ вамъ вхѣдъ въ вѣчное црѣтво гдѣ нашегѧ и спаса іиса хрїта. Сегѡ ради не ѡблѣнїсѧ воспоминѣти прѣшъ вамъ ѡ сїхъ, ѣще и вѣдите, и ѡтверждѣни естѣ въ настоѣщей истинѣ. Прѣведно бо мнѡ, донелѣже есмь въ сѣмъ тѣлесѣ, возставѣлѣти васъ воспоминѣнїемъ, вѣдый, ѣкѡ скорѡ естѣ ѡложѣнїе тѣлесѣ моегѡ, ѣкоже и гдѣ нашъ іисъ хрїтѡсъ сказа мнѣ. Потщїсѧ же и всегда ѣмѣти васъ по моему исхѣдѣ пѣмѣлѣтѣ ѡ сїхъ творїти. Не ѡухищрѣннѣмъ бо васъ послѣдовавше сказахомъ вамъ силѣ и пришѣствїе гдѣ нашегѧ іиса хрїта, но самовїдцы бывше величествїѧ ѡнагѧ. Прїемъ бо ѡ вѣѧ ѡцѣ чѣсть и слава, гдѣсѣ пришѣдшъ къ немѣ ѡ велѣпнѣмъ славы: сей естѣ снъ мой возлюбленный, ѡ немѣже азъ

бѣгонзвѣлихъ. **И** сѣй гласъ мы слышахомъ съ небесѣ спшѣдшъ, съ нѣмъ сѣще на горѣ стѣбѣ. **И** имамы извѣстнѣйшее прѣроческое слово: ѣмѣже внимѣюще ѣкоже свѣтилъ сѣлющъ въ тѣмнѣмъ мѣстѣ, добрѣ творитѣ, дѣндеже дѣнь ѡзаритъ, и денница возсѣлетъ въ сердцахъ вѣшихъ,

Аллилуиа, глас 8: Твоя суть небеса, и Твоя есть земля.

Стих: Блажени людие, ведущии воскликновение.

Евангелие Матфея, зачало 70.

Во время оно, похътъ иисъ петрѣ и іакѡва и іѡанна брата ѣгѡ, и возведѣ ихъ на горѣ высокѣ едина, и прѣвразисѣ прѣдъ нѣми: и просвѣтисѣ лицѣ ѣгѡ ѣкѡ солнце, ризы же ѣгѡ вѣша вѣлы ѣкѡ свѣтъ. **И** сѣ, ѣвѣстасѣ имъ мѡвсѣй и илѣа, съ нѣмъ глагѡлюща. **Ѳ**вѣщавъ же пѣтръ речѣ (ко) иисови: гдѣи, добрѣ ѣсть намъ здѣ вѣти: ѣще хѡщѣши, сотворимъ здѣ три стѣни, тебѣ едина, и мѡвсѣеви едина, и едина илѣи. ещѣ (же) ѣмѣ глагѡлющъ, сѣ, ѡблакъ свѣтелъ ѡсѣни ихъ: и сѣ, гласъ изъ ѡблака глѣа: сѣй ѣсть сѣнъ мѡй возлюбленный, ѡ нѣмъже бѣговолѣхъ: тогѡ послѣшайте. **И** слышавше ѡучѣнцы падѡша нѣцы и ѡубоѡшасѣ стѣлѡ. **И** пристѣпль иисъ прикоснѣсѣ ихъ и речѣ: востаните и не бѡйтесѣ. **В**озведше же ѡчи свой, ни когѡже видѣша, токмѡ ииса единаго. **И** сходѣщымъ имъ съ горы, заповѣда имъ иисъ, глѣа: ни коидѣже повѣдите видѣнѣа, дѣндеже сѣнъ члѣвѣческѣй изъ мѣртвыхъ воскрѣнетъ.

За Достояно, ирмос: Рождество Твое нетленно явися: И до отдания.

Причастен: Господи, во свете лица Твоего пойдем, и о Имени Твоемъ возрадуемся во веки.

На трапезе же разрешаем на рыбу, и елей, и вино, аще среда или пятък.

ЗРИ Подѡбаѣт ведати: яко предание имамы от святыхъ отецъ от спасительнаго сего праздника Преображения снѣдати гроздие, идеже обретасѣ, благословение приемше от иерея. Принесену бывшу гроздию в церковь и по анафоре раздроблену, глаголетсѣ же сѣя молитва на раздробление гроздия от святителя или от иерея:

Боже, Спасителю нашъ, Благоволивый Виноградъ нареци Единороднаго Твоего Сына, Господа Бога и Спаса нашего Иисуса Христа, и темъ плодъ безсмертѣя намъ дарова, Самъ и ныне плоднѣй сей виноградъ благослови и насъ, рабы Твоя, вкушающѣя

от него, Истинного Винограда причастники сотвори, неврежденну жизнь нашу сохрани, и мир нам всегда даруй, и вечными Твоими неотъемлемыми дарованиями жизнь нашу украси, молитвами Пречистой Владычицы нашей Богородицы и Приснодевы Марии и всех Твоих святых, от века Тебе благоугодивших. Яко Благ и Человеколюбец Бог еси, и Тебе славу возсылаем, Безначальному Отцу со Единородным Твоим Сыном и с Пресвятым и Благим и Животворящим Твоим Духом, ныне и присно и во веки веков. **Аминь.**

Молитва над всяким плодом.

Господи, Боже наш, положивый верующим в Тя пользование творениями Твоими, Сам благослови предлежащая плоды сия словом Твоим, молимся Тебе, милостию и человеколюбием Единородного Сына Твоего, с Нимже благословен еси, со Пресвятым и Благим и Животворящим Твоим Духом, ныне и присно и во веки веков. **Аминь.**